



郡志備要卷二

歷朝詩下

麻姑觀

路入雲關寂不譁石田瑤草帶煙霞貯經  
藥爐存失舊砂青鳥若傳金母信紫鸞應  
不掩春常在開遍碧桃千樹花

過後潭

野店沽新酒蘋香薦廟靈一篙春水綠兩岸晚山青繫馬  
人呼渡窺魚鷺立汀同行二三子爾我喜忘形

題土山寺二首

張浚明

出城十里鬻塵遠此地登臨是勝遊  
流南下繞龍頭瞿曇殿聳仍孤刹丞相祠荒但古邨獨倚  
關干人不會霜風落葉正蕭颼

平瞻蒼翠倚潺湲詩景分明指顧閒地接郊坰換今古秀  
鍾人物在湖山春風跨馬銀鞍穩夜月騎牛鐵笛閒從者



吳琳

凌陽多後傑

題瞿劄

梅機

昔聞瞿劄仙披裘坐深谷賁來桓大夫遠巡不敢入易代

人已徂高風猶在目一為弔巖阿白雲滿山麓

雙溪泛舟 貢奎

扁舟一葉浮溪水溪風颯然吹浪起坐看兩岸疾如馳轉帆瞬息行十里溪上山光翠欲滴傍影入溪溪水碧山中曾有謫仙居今古詩聲破幽寂曠舟登岸快追遊詩料真搜山鬼泣山鬼泣山雲飛薄暮細雨寒霏霏謫仙邈邈呼不得但見獨鶴空中歸

蓬窗

吳晦之

小室蕭然一釣篷主人閒散似漁翁有時風雨驚殘夢如在松江煙浪中

春日即事

山居無事到襟懷日午柴門尚未開啼鳥一聲春晝寂隔牆風送落花來

曲肱亭

小年曾綴集仙班袖手歸來水石間聞道半山還舊隱扁舟乘興過龍灣

都官祠

斯文凋喪未還瀆首黜浮華復雅音蠻布織成春雪句誰傳篇什過雞林

九日登響潭

吳師道

響山臨響潭曾識太白來我欲遊其間却愧非仙才况乃傳微官終年走塵埃幸茲九日至獲與羣彥陪高秋慘雲物薄日翳復開駐馬青松陰披衿上崔嵬前眺孤城低下瞰清溪迴諸峯送遠色攬結何雄哉野菊半含英濁醪初發醅且盡一笑歡良會不易諧溪山宛如昨斯人化飛灰想見登臨時逸氣橫九垓甯知千載後我輩茲徘徊呼之儻可作相共揮子杯凄其暮色合颯颯疾雨催扶攜下登舟水行沿灣隈仰看千仞壁浩歌散餘哀

遊三天洞

詩

赤松歸隱去清秋還墮夢魂中

送人之宣城

昭亭山下宛溪頭楊柳芙蓉岸岸秋總是舊時迎送處夢魂猶逐故人舟

湖山廟

王相

千仞湖山涇水濱從來忠烈作明神一時江左英雄士死後封王有幾人

潯川八景存四

張景明

山肩有夷行樵牧共來往高樹落繁陰風生海濤響未遂赤松遊長歌起遐想

幽密兩山間梯徑通元圃倚蘭吐清芬隨風泛郊塢誰能叙為佩遠寄瀟湘浦

夔陽冒山巔黃金眩人目楓林醉秋霜相看共幽獨一鳥天際歸欲問桃花宿

陽編芳洲餘暉在高樹鳥石動西風歸人正爭渡

登耕綠亭

張師曾

耕初起高齋外誰知復此奇一川藏電畫眾岫列眾恩野綠

湖山納涼懷吳子產 貢師泰

天風吹海樹瑟瑟秋氣涼河漢西北流衆星耿微光惜我同袍友遠在水一方相思不相見展轉清夜長遙聞鳴笳發攬衣月蒼蒼

題登嶂參雲亭寄老士安監憲

層城極高爽傑構峙嶂疊障散霞綺雙溪迥以明旌節一戾止登覽群彥畔明月懸委佩華星燦長纓涼軒四面敞坐看香靄生神功倏舒卷變態周八紘終當溥甘露從龍歸太清

秋日同遊敬亭得并字 汪澤民

湖中三年夢鄉井敬亭重遊心自醒雙流夾鏡一溪來

詩

但齊雲兩峯并叢祠秋報同莫桂蘭若晚酣催煮茗晴嵐  
煖翠約花時往覓丹梯登絕頂

遊黃山汪南山先生惠詩以病為辭次韻答謝

軒轅輕舉同浮邱黃山到今仙境留攢峯排雲三十六勢  
壓地軸雄南州元鄉倒景接虛曠太空清氣憑蕭颺恍疑  
萬里運鵬翼政似五月思貂裘嘗聞丹爐靈藥在寶光夜  
靜干斗牛我行雖云愜素尚黃鶴不反令人愁憶年弱冠  
披圖經白髮荏苒四十秋遐觀奇絕勿輕去山靈特為驅  
煙霧吾宗詩翁斯不來天風吹落驚人語何時同此采真  
遊塵緣誓將脫羈囚人間萬事一杯酒鼠肝蟲臂徒包羞

翠微寺

欲雨不雨天墨色將崩未崩石偃側溪谷綠雲已萬盤風  
雨欺人作三厄客遊已慳天不慳雷電翕歛壺晴噉諸峯  
倒景互明滅照耀金碧開山門清都紫微逼象緯旃林貝  
樹羅山樊十方下視沙界迥佛骨不受炎歊禱麻衣老師  
戒滅火問法羨與山僧論但餘卓錫古泉水念念欲洗塵

眼昏嗟子世網久躑躅坐覽古跡空盤桓莫歸却滅山下  
路杳杳飛鳥投芳村

紫山寺晚望山門

勝絕麗剎地中藏六洞天山門雲引路石室月通泉鳥徑  
莓苔流僧房紫翠連曾聞地主說悵望夕陽邊

遊湯泉道中偶成

天都霞出諸峯上曙色嵐開逸興催半壁晴泉吹冷雨懸  
崖飛瀑吼晴雷白雲縹緲仙鄉遠碧落高寒俗駕迴自笑  
生平愛清境冥搜不厭歷崔嵬

九日陪高梅居登高復留賞菊懷仲淵三天載酒之  
約去年登嶂登高之會

度水緣山取次來夕陽歸影尚徘徊白衣悵望三天路烏  
帽風流九日杯菊老東籬容作客山園北郭記登臺明年  
載酒知何處莫遣西風暗裊催

祥符寺追和文敬所壁間韻

蒼山... 皇會... 故侯... 石鏡

石鏡照姦惡火焚光不磨丈夫心地險莫向此中過

題崇古寺

十八巖前羅漢竹百千洞裏老龍泉山僧約我重來日花  
落花開五百年

宣城客中偶書

眼看春宵擁勝遊漂零迴首媿沙鷗黃塵烏帽知誰為白  
飯青芻復此留未必嵇康能作吏何妨李廣不封侯敬亭  
雲鳥知無恙款段惟須逐俊遊

丹霞菴寄冲妙觀方友

何儒行

麻姑諸峯插脩翠麻姑仙人鳴玉佩中有道人餌丹霞採  
朮餐芝鍊元氣此地昔年我曾遊蒼岷碧樹烟雲秋煙雲  
秋仙壇石老苔花幽尋觀怪石獅子踞石壁落日元猿愁

元猿愁白鷗舞相攜東風凌紫霧琳宮丹闕摩太清下視  
人寰隔風雨丹秘金爐深劍藏石匣古揮手接高真飄飄  
已遐舉道人笑搦山下泉竹房茶竈搖輕煙天游高亭據  
幽勝玉堂寶翰何清妍却登齊雲閣持觴勸明月明月滿  
山風滿林醉來清夢欲飛越我無負郭田我無買山錢一  
邛一壑肯乞與便須寫我丹霞菴

永慶寺

澄江西畔叩禪扃暖日聯鑣赴踏青茂樹清泉丞相宅閒  
雲飛鳥謫仙亭山中不雨花常潤林下無人蘭自馨醉後  
摩挲庭外碣風霜杉檜幾朝經

卞思義

上使開華宴高樓倚碧霄山如屏嶂列風逐管絃飄事簡  
春偏永歌長酒易消月明人散後驄馬不勝驕

侍宴登嶂樓

使君閒暇宴高臺珮玉珊珊得重陪無數好山成疊嶂一  
灣流水似天台煙中佛寺藏樓閣火後人家半草萊不用



登臨增感慨春風梁燕又歸來

劉鑄

九日遊翠雲菴

小山叢桂久徘徊長嘯穿雲去復來晴日半窗開野色翠  
濤千頃愜詩懷興狂肯落風前帽歸晚頻移月下盃却憶  
襄陽杜工部當年多事強登臺

集登嶂樓

明吳原頤

謝朓高樓今古在令人遙憶晉風流九天露濕星河近六  
月涼生雷雨收極目山光清界遠盪襟雲氣太虛浮于今  
幸接循良守後樂筵開每見留

麻姑萬松山

陶安

松樹連簷翠色多南湖春水淡生波貢家舊宅雲林在明  
月滿船聽棹歌

賞溪舟中

趙士謙

一帶溪光映淺沙兩邊山色弄晴霞披叢野叟行收網燒  
竹家童坐煮茶上水帆依烟外樹傷春人看雨中花何當  
從此拋塵累學取張騫遠汎槎

崑山夕照

真色重重鎖翠微淡烟芳草正菲菲數聲鷓鴣啼  
處牛羊散夕暉牧笛漸從林下歇斷霞輕出樹頭飛  
日在高峯上猶有人家未掩扉

胡太守遊飲北樓

江暉

小徑紅巖澄幽軒藉石臺披蘿暗月淨引籜檻雲開遠雁  
來歌席飛泉落酒杯興饒歸路晚不惜漏聲催

李東陽

敬亭山色古城陰萬丈丹梯不易尋地重謫仙題後價天  
留謝朓賞時心山川代有精靈在草木春回雨露深今日  
書遊

送張侍郎大經還宣城

有美宣城客曾登疊嶂樓樓因謝公建名自獨孤留萬樹  
龍鱗合雙溪燕尾流朝光先見日爽氣忽橫秋斗轉簷初  
挂雲煙棟欲浮簾前無過鳥天際有歸舟明月共千里齊  
烟空九州圓方看鶴舉郊藪識麟遊壯憶周南帶奇思禹

穴幽世間無太白千載愧賡酬

題海宛溪草堂

文徵明

宛陵東下碧溪長正繞梅公舊草堂日落敬亭相映帶雲  
開叠嶂浸滄浪苔磯自足共垂釣春水還看着野航誰識  
照心清百尺古來惟有謫仙章

黃瓜嶺

姜綰

王事從人東又西黃瓜嶺上白雲低山田水落稻初熟野  
店門闌雞自啼景入新秋猶覺熱行逢佳處漫留題旌  
明日清戎罷又欲馳驅到績溪

過雲門

春老雲門雨歇初梨花結子鳥將雛日長睡醒郵亭卒  
把書筒別鱸魚

遊敬亭因寄王太守

梁柱臣

敬亭何處巽宛溪流未央烟郊暖漠漠春樹鬱蒼蒼雅志  
藁林壑值茲山水鄉招遊屬良晤延眺開山堂謝公昔爲  
郡茲焉寄徜徉紆紉兼幽尋風流至今揚遂令賢達蹤躡

李躡其芳秀句落人間高標鬱相望我來千載後懷古意

難量蕪祠一以眺故蹟悲徬徨何以解中情聊復揮壺觴

陰渝悼寂寞靈異殊渺茫思控琴高鯉言從竇陵陽恨無

凌風翼緬懷雲路長寄謝宣城守清徽幸不忘

高齋效謝眺體

李先芳

平生恆山水白首不知倦改服倅宣州頗乘風水便言訪  
謝公亭高齋尙凌緬懿此古風存民溘事易辦官齋賸休  
暇攬衣撫層觀高原帶平楚歷歷紛可見溪藏春穀雲山  
爲澄江練晴嵐明復滅幽禽聚還散松杉映階除烟霞拂  
顏面鏡疎人吏稀庭花落如霰單車苦岑寂緘書布親串

高齋雜詩

高齋何所有挺挺松與栢嚴冬被雪霜青青不改色天性  
固所宜地勢亦相迫颯然天風來高枝多反側上有夜啼

鳥使我心惻惻我將射此鳥彎弓焉可得

榮名豈百年去留輕一葉不見泰山高何心巒邱垤積雨

空齋寒暮春鳴鵝鵝玉壺注美酒既醉不復輟誰知飲者



心乃不在地藥望中春穀雲山外敬亭月所貴知我希從  
心足怡悅

早春文昌臺

一泓春水挂城頭百叠遙山帶雪浮地是謝公會作郡人  
如王粲舊登樓松篁隔嶺嬌晴色關塞連天憶昔遊報道  
梅花消息好憑闌不見使人愁

硤石舟中

長薄帶芳洲支江繞郡流潭烟宛陵夕山雨敬亭秋溜急  
知湖口林喧指渡頭依依沙渚上人吏待行舟

白雲寺

落日依古寺疎鐘出翠微我來黃葉下相伴白雲歸蘿月  
開山鏡松風掃石磯空門無剪伐薛荔挂征衣

春初至南陵

行縣及春早梅花都未逢羣山爭倚翠落日故銜峯臘雪  
藏深竹條風泛古松遙遙望城邑隔水度昏鐘

響山

平生抱奇癖名山每獨往驅車城北門羣峯列仙掌流影  
落飛幘忽動紫霞想涉江陟華巔玉樹干霄上古洞晝陰  
陰石髓滴空響孤雲天籟發一嘯衆山仰終歲絀塵氛聊  
此悟清賞

涇川夜雨

褰帷度宛水行縣入涇川澤國春雲滿山城夜雨懸魚龍  
初起蟄梅柳暗浮烟噉噉雙飛翼遙遙鴻雁天

熙光亭懷羅使君

遙從林杪踏空行更上高樓望眼明登嶂飛來雙起鳳閒  
花開處亂啼鶯題詩李白成陳迹化俗文翁有令名不勞  
青山依舊綠年年春草伴愁生

水西寺

隔江春色半陰晴二月杏花潭水生絕壁千盤蹲古刹寒  
流一曲抱孤城林開爽氣清人骨花韓春雲帶雨聲如此  
風光輕擲去當年空負賞溪名

琴溪

仙人抱玉琴彈作遊仙曲飛聲碧落滴滴鳴哀玉

山門靈巖

萬山回合敞天門怪石巉巖虎豹蹲古木盡成連理樹暮  
雲偏傍夕陽村鶴歸華表仙難學龍臥寒潭水自溫野寺  
殘僧鐘磬晚林鴉相送出黃昏

漣漪洞

洪鑪巧鑄洞中仙百結流蘇盡倒懸鬼斧何年穿翠壁神  
龜千古鎮丹泉花源細泛雙溪水應嶺斜開一線天何用  
臨淵徒自羨驪龍此地抱珠眠

經西津渡

萬壑松濤泛翠湍綠陰清晝不勝寒虹橋倒跨西津渡五  
馬如龍水上看

遊獅子巖憶羅使君嘗於此講學

昔聞五馬駐江干獅子巖頭坐杏壇問偈曾遊龍谷寺山  
僧指點使君灘

石壁行

石壁夾崖高插天春陰黯黯噴紫烟兩岸松杉書如晦飛  
泉萬壑聲濺濺中道三溪水井下萬馬奔騰弩控弦微茫  
一徑爭如髮肩輿一轉一驚骨山雞啼樹鹿成羣驚起樵  
人採山蕨逶迤連亘二十里依稀乍見人烟起祇信人歌  
蜀道難誰知眼底難如此山中縣長伏道迎負弩前驅簫  
鼓鳴報道羣雄寇鄰境彈丸山縣久無城況復虎狼巢穴  
地連年荒饑失秋成山城不止萬金築山中半是逃亡屋

賞溪

賞溪春水日流澌桃花楊花亞滿枝支頭臥向山頭石閒  
看漁人理釣絲

青蓮居士昔留題題處青蓮開滿溪問遍山僧都不記溪  
邊春鳥向人啼

疊嶂樓月下劉侯讌集

王畿

樓前今夜月天意為誰明松影忽倒地山光低向人孔周  
千古夢絃誦萬家聲吏道本元理朋來無俗情幽蘭滋露  
馥谷鳥感時鳴永言務明德毋為塵所縈

琴溪

野情隨處只青山杖策荷瓢天地間黃菊石邊和露折紫芝林下帶霞餐漁人獨作溪雲伴仙子不來猿鶴閑萬古富春風月在釣臺誰復把綸竿

高齋宴集同賦

方逢時

雲滿高林花滿臺看花秋盡笑顏開春風不作繁華夢夜色頻傳潦倒杯希世我猶嫌有累避喧君已到無懷興來未羨龍山樂欲賦慚非落帽才

文昌臺成示諸生

朱大器

官閣翬飛萬象開鬱葱佳氣望中來雲瞻五色陵陽曉光燭三階疊嶂迴郡國不妨留勝蹟東南從此有高臺滿城桃李千千樹莫負當年着意栽

柏槻寺

羅汝芳

山徑延溪曲幽意殊可人偕此同心侶踏遍蓬萊春  
洞門還溪水石底何清深白日坐相照悠然太古心

琴溪

沈舟巖潭

呂山

汪景

髮髻垂絲白疎鏡對影紅風高驚落葉斗迴仰天空戀闕  
慚才拙尋山喜路通何須爭跨鶴土室日安窮

白雲山

王皞

贏得浮生閒半日不妨車馬駐江干花香入席侵杯筍樹裏招雲染嶂巒巒風月伴人隨處是乾坤容我望中寬也知吏隱無拘束更欲頻來盡此歡

沈舟巖潭

王廷幹

輕舟尋勝覽夏日此遨遊共識青霄座尤憐芳草洲飄飄仙客侶泛泛野人舟烟樹披雙島風花繞四邳高巖丹氣積寒洞碧波流耀發疑峯轉帆飛在鏡浮興迷蘭桂渚思入鳳凰樓佳宴含山竹清歌落水鷗誓將息世慮當與白雲求

琴溪金雞石

琴溪開玉洞怪石擬金雞蓬徑何人賞高賢有勝題雲巖

懸雪瀑晴壑吐虹霓應是丹霞侶還從盤谷棲

遊白雲樓

蕭良譽

洞門深處見丹邱近郭那知此勝遊喬木駢羅封絕巘危  
臺岌嶸俯長洲雙峯檻外聯珠湧小舸橋邊一羽浮眺望  
不窮山色暝登臨還為白雲留

泛雙溪

沈懋學

河朔風流會扁舟引興長清歌留晚照霜筆戰秋陽烟遶  
芳林濕花飛錦纜香人生誰暇日且一酌溪光

南湖小崑山

周原迴列岫片石湧南湖水國雲常冷漁舟月自孤臥龍  
丹壑杳浮鵠碧天俱坐對波光夕悠然醉玉壺

秋暮八柏規

梅鼎祚

沿溪一徑斜黃葉滿貧家斷壑飛晴雨微陽隱暮霞逢僧  
穿薜荔留客薦茶瓜杜若山中老吾生未有涯

宣城內史行

東南天狗忽墮地轉憶咸和年間事晉朝養將如養虎掉

尾耽耽反相制宣城內史鳩義兵五表陳師出有名警若

鷹鷂逐鳥雀臨危豈得顧其身脫身轉戰湖山下頸血凝

天天卻楮客豪野死諒不莖駑馬徘徊在中野卜公廟食

帝城闌湖山亦祀桓茂倫丈夫行藏各自取眼底區區何

足論君不見歷落嶽嶽可笑人

工山

白雲飛去又飛還萬壑千巖指顧間天半芙蓉爭削翠案

頭一點是工山

西溪積雪

溪流春穀淨纖塵玉樹森森欲照春皂蓋好從西去問雪

中高臥豈無人

開元寺浮圖

湯顯祖

對坐芙蓉塔延觀柏規雲青霞城北湧翠激水西分嶺樹  
疑嵐濕巖花入暝薰風鈴流梵響玉漏自聲聞

寄林南陵

日飲朝霞春氣開陵陽仙令築亭臺至今五色丹泉上猶

似次篇白鳳來

題石臺

湯賓尹

鬱鬱靈巖石峩峩碧洞開拂雲尋隱逸臥石問蓬萊湫暗  
潛魚出山深老鶴來徜徉心已醉不覺月盈臺

黃山雜咏

蘭蒲列席屑榆香黃帝開天古道場當代聖人尊聖母紫  
泥新勅賜慈光

費他竹杖兩三條摩盡青天萬仞高纜一攝身身界濶齊  
州點點在秋毫

望華樓

沈堯中

陵陽自昔稱三輔疆域袤延吳楚間坐鎮崇臺懸北斗憑  
虛高閣對南山屏開雲帶秋光遠簾捲芙蓉夕照閒遙憶  
子明垂釣處烟雲猶自鎖元關

宣州歌

王廷相

強半峯巒帶碧流行人猶說古宣州夢懸日月青蓮賦獨  
占江山謝朓樓

辭黃山

黃道周

交臂遂相失徘徊霧雨中悲猿如葉類笑客不從容  
亦是吾家峯神物不可譜頂髻在心眸一一屈指數

思黃山

丹砂峯下煉魔堂千輩緇衣遶法塲勝事會須消歇過空

山殿宇自清涼

荀蕨茨菰庸福多馬蹄空復睠青莎乘涼一洗温砂水不

爲身輕欲醉疴

張慎言

敬亭晴雨

雨奇晴好盡人知却喜將晴乍雨時嵐氣欲侵風更轉倦  
雲半壓岫如欹情文殊愧酬元宰天地居然是幻師林杪

浮烟烟際閣有人倚閣亦何思

赴戍宣州

姜琛

垂死承恩譴天威咫尺間荷戈荒徼去收骨瘴江還袞職  
猶思補龍髯竟絕攀橋陵千滴淚獨在敬亭山

客宣城作



揚柳依稀在相看一老兵百年封事意萬里瘴江情路轉  
雙羊迴樓高兩水明憑將踪跡去未解此平生  
何事緣源去悠然路轉冥竹林黃蘗寺風景謝公亭湖草  
水全暗江天山更青滄洲吾意遠白髮况星星

前題

野浦飛花接石關百年心事北樓間乘舟弄月歌仍哭破  
帽單衫往復還莫向此生嗟白髮好為吾骨買青山石金  
當代推名頌弔古臨風淚欲斑

過青弋江作時赴戍宣州

垂老天涯夢遙期歲月長可堪江在此誰問客頭荒斷嶺  
寒鴉盡頽崖古木僵荷戈還獨去生死白雲鄉

送徐乾若還宛兼訊余使君

陳子龍

夜來梅雨漲前溪彩鷁離樽強自持此後相思勞夢寐莫  
迷三柳過橋西

宛陵山下謝公亭羨爾高齋畫向局退食公餘人散後一  
杯送對數峯青

訪姜如農先生城北

沈壽民

石公巖遺後又見荷戈新曠代留遺直殘山待老臣龍  
天上取環賜夢中身生死昭亭路鄉園別自春

歲暮寄吳福生

文震孟

快雪時晴臘欲殘竹意懶慢不簪冠泥塗滿眼情無賴松  
柏凝姿歲已寒煮石仙人生有分焚魚學士舊同官客來

莫話寰中事齊物逍遙好曠觀

王山寺和施愚山太史

國朝姜安節

山川我愛宣州好處雲泉不厭遊步到上方纔覺勝坐  
來長日欲銷愁橋邊把酒追三笑天畔飛花散一樓極目

烟波杳無際悄然身世寄滄洲

題徐半山山居圖

王士正

先生竟學道自製水田衣獨卧寒林靜故人相見稀晚涼  
松鼠落曉日竹鷄飛亂葉千峯裡行歌何處歸

抱松女并序

施閏章

宣城秀才羅愷妻孫氏未笄從姑避兵匿松下兵



遺姑將殺孫急出以身代脇共載不從抱松大呼  
曰死耳葉不可辱兵怒殺之三日猶抱松不仆人  
皆稱地松女

松之青青兮女為娉松之瑟瑟兮女貞一松可斷兮女不  
可轉徹松根兮疑血碧永千古為松化石

浴湯泉

黃帝鞭赤龍銜珠地上走長驅賜谷水膚沸成仰漏其下  
唯丹砂自靈司左右憑欄如蹈空解衣若飲酌濯物不辭  
污懷新無宿舊隨意稱喧涼齋心得枕漱掩蓋交藤蘿暑  
寒改氣候指口試蔗漿竟體霏蘭臭三浴入毛髓自祝或  
眉壽靈域局萬山車騎罕暱就猶嫌碧石泉薌澤染紅袖  
作詩銘仙都長使神蛟守

同施元引遊水西

我來琴溪一月住風雨不識水西路乍晴鼓柁逐輕鷗山  
寺溪光雜烟霧此地當年帝子宮層巖古木縱龍涎靈鷄  
飛來黃蘗在春風吹遍桃花紅桃花落盡芝草長碧鷄晝

叫空山響萬家烟火遠參差一葉漁舸自來往乍觀疑是  
桐川遊重憶瀟湘杜若洲釣魚臺下浮青玉秋霜閣畔思  
貂裘白也詩無敵遂使山川破岑寂我亦能清歌欲留數  
字鐫絕壁五松院三生石安知今日後遊人不是當年舊  
李白

北樓對雪

瓦雪斜侵枕溪風迴入樓關山迷老馬江漢失孤舟樹白  
雲俱歛天垂水不流因憐稻梁雁無路覓滄洲

書煉丹臺側指月菴

天海浩無涯孤僧寄一家泉吞丹井月坐對青蓮花小屋  
嵐烟重高臺石路斜雪中人迹斷燒葉自烹茶

人日涇川道中

人日月初晴春風昨夜生野梅憐早折凍土又新耕陰雪  
娟娟照流澌瑟瑟鳴琴溪聞控鯉駐馬一含情

同左稚姜遊幕山

春送登臨眼山高戰伐名寺門銜極浦杯底見孤城古樹

旌旗色奔濤鏡騎聲憑君詢舊學指點暮雲平

過湖北山家

路回臨石岸樹老出墻根野水合諸磯桃花成一邨呼鷄  
過籬柵行酒盡兒孫去矣吾將隱前峯恰對門

書山門石壁

石扇開橫岫春陰入杏冥地寒雲樹古峯狹寺門青移杖  
分林洞流泉出戶庭前山看不極招手接瞿矧

旌陽寺舍

一月寂精舍坐看芳草生歸心知物換客感對僧平山市  
春蔬儉溪春夜火明勞勞頻轉側慚負晚鐘聲

隱龍方氏義井

山澗常疑雨千家舊井存疏泉通地肺倒海瀉雲根飲酌  
人皆壽冰霜氣益溫灌園逢野老嘯傲倚柴門

夜泊黃池

晚晴殘雪後遠岸夕陽邊葉盡楓難辨漁歸網自懸客舟  
寒趁月茅屋夜含烟試覓幽人語燈明却未眠

三天洞

一徑穿雲過三天入洞開仙宮窮斧鑿龍窟走風雷日抱  
松根下泉通海眼來幽棲何代客禪坐有荒臺

送何生伯還南陵

春穀城邊路三年夢渺茫送君折楊柳揮手見江鄉魚鳥  
依人近荷葉滿縣香臺纓良可濯切莫負滄浪

文瀾亭和韻

安賢古寺殘鐘在百尺危亭復此盃楓落檻前千樹白雲  
移天際數峯來孤城池合漳淮水異代詩留李杜才朋舊

霞溪寺閣

山城木末晚蕭蕭草閣溪聲似聽潮午夜一編燈自照寒  
天百甕酒能消雲中白屋分松徑雪裏青蓑過板橋已分

勞人憑逆旅可容生計老漁樵

宿隱龍方位三宅

雪後攀巖策短筇青天列嶂削芙蓉爭憐嶺上偏流水誰

議人亦有神定石以圖書好時入柴門雞犬白雲封連牀

信希成清夢知在南山第幾峯

遊玉明府之旌德兼憶方氏節子  
遊手知君友道育之官風物正堪論城邊雲氣梓陽出望  
裏蓮花黃嶽尊神芋山田千樹杪沿溪水碓萬家村舊遊  
此地無窮憶爲問諸生在華門

過標紙廟吊張公果

腸斷東流去不回獨殉河伯萬人哀江城無恙祠碑沒誰  
薦荒墳酒一杯

勝果寺

高詠

江寺去江一百步碧瓦紅墻隔烟霧鷓鴣獨夜叫深蘆水  
鶴空秋語高樹鐘聲磬聲都不聞客舟漁舟爭欲渡殘僧  
日午未開門門前秋草踏成路

湖北謁沈徵君

吳肅公

躡杖水雲寬麻姑接檻看問奇他客酒脫粟野人餐雨過  
鄰舂寂潮回夜語寒草堂無長物書卷得平安

琴溪仙峯

佟賦偉

誰謂神仙事荒唐語不經遺踪雖未遠峭壁有餘青春煖  
魚如約雲開洞自扁塵緣何日斷淥礫且飄萍

竹絲岡勸農

竹絲岡上布穀啼竹絲岡下競扶犁何當三日坡公雨笑  
看秧針刺水齊

遊江山

梅清

曠屹工山巔際天峯獨美俯矚東南開千巖列屐齒大江  
涯其下如帶明秋水拱手忽長嘯浪濤見九子空谷風冷  
冷一泓響雲底云是古龍湫飛濤灑千里我呼朗陵侯何  
處應聲起

同諸子遊玉山寺

野興無時盡秋光爲客留過橋鷗鳥逼攀磴薜蘿稠地寂  
聞孤磬山窮見一樓吾廬分咫尺不解此中幽

過夏家渡別墅

舊遊如在眼長望曉山前着屐無多路看花又幾年板橋

平貼水寒柳細生烟沙際行人斷空浮一釣瓶

新田山舊居

宵靄舊山堂新田絕壁傍石陰迴栢規雲氣接華陽圃自栽松暗溪曾洗墨香十年分去住回首一蒼涼

山門

鬼斧見天工千年石室通路疑雲裏伏源憶鳥邊窮易浣靈池碧難吹丹竈紅披裘人不遠長嘯愧高風

琴高臺懷古

高士遺臺曲澗東俯臨百丈之飛虹雲捲舒終壁下花開花落空潭中丹沙鍊去山俱寂赤鯀騎歸路不通歎息往來車馬客幾人忙處問琴公

寄贈何二陟明府

繞郭初傳白雪音猷州地古足鳴琴四時花氣薰行轂一縣嵐光動曉吟帝子閣前蒼燈山仙人臺下碧潭深水西春色新如錦何遜風流此自尋

重登州雨亭

造次重攜濁酒卮千山仍抱一亭欹眼中烟雨三年夢半是醒時半醉時

白雲寺

梅文鼎

古寺依道周巖壑巧位置徑偏門不扃遊人若相避千仞依迴溪波光林外至道人空小樓蕭然絕塵累學佛不自名何況文與字杖藜時獨歌千山落空翠

栢規山

谷險行成逕雲開近見山巖花春後好石蘚雨餘斑響禽樵人斧烟生衲子關車塵紛五嶽得似此中間巖犬吠深樹籐橋客過稀木皮蒙竹屋欄戶啟繩扉生事無營足山蔬不摘肥相逢問城郭祇似昔年非

題慕園

梅庚

但覺為園好翻思闢地初依城收野樹引水就階除客共烟中釣兒繙架上書落成才幾日花藥已扶疎謾擬王官谷新開綠野堂陳情遲令伯愛日過潘郎地貴金為埒天低石作梁滄洲從暫卧仙嶠在陵陽

示齋

卷三

詩

十七

玉山寺尋沃州亭

鐵笛銀鞍事杳冥遊人還問沃州亭  
三春花雨六朝寺極目潭潭空翠屏

雲齋閣九日

楓林紅淺未經霜暖着單衣到上方  
自是各山貪我輩無風無雨過重陽

重過宛留別

龔鯤

偶過桐川路重遊宛水濱  
花村田舍好竹逕寺門分吏侯知風古官閒任酒醺  
舊交情不厭還似敬亭雲

登縣署具瞻樓

李文敏

百里官衙百尺樓萬家烟火萬農疇  
三山鼎立居然勝二水環圍自在流  
黃蘗宗風飄塔影元暉音韻繞峯頭  
昭亭今古多奇蹟眺望名賢思不休

龍溪驛卽事

驛路龍溪水氣重幾間官舍幾株松  
戴星問俗山初曉耕雨沿村澹始通  
父老扶犁呼刈麥兒童剪韭佐朝春  
自知

勞吏催科拙後樂先憂此歲功

留題開元水閣

先朝中葉盛文物盡吞容  
圖畫陵陽郭嵯峨甲第重園林開六代樓閣拱諸峯  
最是尙書宅風光別樣濃雉堞層層見高窓枕簟涼  
片雲行木杪一鳥破山光洗石苔紋亂投竿水氣香  
幽棲如傍此不羨午橋莊

仙源雜詩

石耳攀崖摘園蔬雜芋蒸  
吠人羣犬慣養社老巫能落日風過虎歸林  
月引僧聽來鄉語熟省識竟何曾古樹穿墻出  
孤亭傍岸斜溪船歸載米山嬾出簪花水淺魚腥少  
冬深笋味嘉此鄉多樸畧隱者足爲家最是東郊好  
千山望裏收驚濤來樹杪寒霧出城頭負郭三家市  
堆灘一葉舟天然圖畫處黃海卽丹邱

春分日瞿山招集沙城寓齋

東風吹不盡急雨過春山  
時有白雲至因之雙燕還  
天容名士聚人對落花閒  
莫謂一尊酒悠然開旅顏



種元仙

開元水閣有感

人運蓬蒿刺眼長半坡衰草舊斜陽孤城鐘動寒潮合百  
戰人歸老樹荒茂卒衝烟朝汲井山魃避日夜登墻當時  
游伴今何處贏得將軍牧馬場

雨集南樓

方正瑗

鈴索風吹霄漢間滿身烟雨共躋攀帆高城郭知添水雲  
上樓臺不辨山勝地自留賓客醉清時才得長官閒晚香  
忽見荷蕖發十畝靈湖想故關

題澄江疊嶂圖

遠水城頭懸匹練好山城上簇芙蓉他年風雨江南夢人  
在陵陽第一峯

題南樓圖

王式丹

三十年來別敬亭回頭樓閣倚青真頻年又作南遊客一  
鳥孤雲夢未醒

採茶謠

沈沁

桐花吹殘棟花飄家家挈筥升山椒三五村疇自作隊鏡

摘柔條如刈蕭其說今年茶事少佑人齋錫悔不早且摘  
且焙須趁晴不歸箬簍盛瓷罌

種薑謠

畏寒悶置驚蟄賣是名火薑不易壞腴田種之燥濕勻松  
葉敷陰藉遮蓋酌芽偷母枝柯繁苢苢其其埒紛邱園霜降  
掘發利無算艇簿絡繹津亭畔

割蜜謠

鼎扉礪戶羣栖託誰云小物無知覺義有君臣午必朝人  
不如物洵堪作出分藩翰處區房釀花成蜜胥芬芳長至  
天寒例割蜜留取一半資蜂食

割漆謠

周官漆林禪王政宣州睦州產較勝吾鄉風土頗茂瀘漆  
栗筆蜜物宜盛戕皮取汁翻蔚然割不宜數全其天唐魏  
儉嗇見篇什至今利用甯棄捐

斲筍謠

秋斲黃精冬斲筍負鏡深陟蒼筤嶺循根迸土竹無傷攖

詩

十九



取一園青玉影山厨燒啖味絕倫佐以茗椀尤鮮新此外何物可方駕周鼎晚菘張翰蓴

木瓜謠

承天作賦風人咏投報相於吾所敬淪湯澡躬涼瘠除豈惟瓜德見瓜性此物並梨東南鄉吾家塌裏產最良因類而及辨方物奚必草木稭含詳

捕狸謠

吾宣貢品誇二絕上者玉面次竹節顛啖果實體膩肥土人張置在秋月鮮餐薰啖劇甘美利用殺蒸靡脂毀糝以粵餉佐以鼓不羨江瑤柱為旨

雪梨謠

花開春月霏瓊屑實結秋深類萍實疇曩曾同橘柚包繡衣抗言貢品絕裏以桐箬承以筐闌宵襍被干振防幸非炎方荔支比飛遞不擾紅塵忙

採蘭謠

叢生幽谷石罅旁君子之德王者香土人擷之易鹽鼓植

以益益紉佩裳一莖紛蕊謚曰蕙春花秋實我所貴騷人愛湖漣兼沉俗人但珍姚與魏

採桑謠

東溪溪口風物幽此戶養蠶若雪伴女執懿筐孩上樹晝夜飼蠶無少休四月山村信忙劇刈麥時禾肯晏息王政衣食二大端黎民或免饑與寒

旌陽道中

細路盤山徧山高霧氣重寒花明古驛瀑布落危峯獵火雲邊燒鳴泉溪上春中林蘭若近欲覓渺無從

登北樓

梅鼓成

飛閣凌霄起川原一望收野雲開列岫遠水見行舟花與詩篇麗松將琴韻幽晉唐遺蹟在千載續風流

春過黃墓

劉學尹

黃墓名垂遠忠魂應有知碑殘無幾字樹老剩餘枝古塚棲狐冷荒原宿鳥悲桃花今日淚酒作吊墳詩

感阮

趙廷揮

山裏人家底事忙紛紛運石聲新墻沿溪紙確無停息一  
片喬聲撼夕陽

九日北樓分賦

翟賜履

詩思翻如江海濤謝公樓上競題糕秋光已着陶潛菊霜  
味初歸畢卓整一片閒雲當檻冷萬峯晴翠撲簷高家園  
百里原非遠醉把茱萸首重搔

安吳渡

繞塢烟村酒旆懸鴨頭波起夕陽天落星潭上雨來急無  
數歸人喚渡船

涇上竹枝詞

桃園三月看桃花看遍桃花興未賒一歲一回東道主今  
年輪得到誰家

紙是仙人妙手裁不須做古用莠苔官家催取黃金榜縱  
有田荒且撫灰

水東土骨產名茶雀舌輪香色未賒惟有雨前能解渴做  
將輕辦落梅花

纖纖玉手捧柔柔蠶縱眠時妾自忙試看鄰家新嫁女夜  
深猶未卸紅妝

猷州城

方文

陵陽山下稻花秋南陌東阡自一邱聞道沉沙多折戟老

農知是古猷州

吳參公

誰道風塵慢憶家青門無復故侯瓜相期歸蠟登山屐穀  
雨初晴一焙茶

忠勤樓賜幾經秋已見桑田可泛舟共指北門原此地別  
將薜碣字痕留

田廬蕪廢雨茫茫遲日春風燕燕忙喜得巷名獅子行  
人猶說狀元坊

遙憶荒郊事事憐新詩聊借客愁宣秋風一夜扁舟穩吹  
過江南菊蕊天

春日宛溪汎舟

孫朝甲

何年鑿清流曲屈通城郭間井沿溪頭春籬燦花萼春水

詩

一一一

深半篙蘭舟不可泊石隙戲魚兒小春出幽壑舊池宛溪  
館遊人常繹絡佳句想青蓮風流宛如昨繫楫意何之溪  
邊尋酒幕醉卧碧波中一聲款乃落

天都峯

沈德潛

黃山天下奇天都峯之特絕地九百仞陡下如斧劈勢疑  
塞高空體許鎖地脉四面總換形不改性真直無心拔衆  
土衆自莫敢敵通體斷寸膚萬石怒分折蚪枝蟠千年蒼  
蘇積五色石室開曠朗甘泉流罅隙或云仙人軒轅此  
遊息浮邱與容成飛行無留跡斯理果不誣長生歸有德  
胡爲學僊人空聞鍊金石

登文殊臺作歌

天都峙其左蓮花拱其右硃砂頰於前玉屏環於後其餘  
臚列如兒孫或起或伏或仰首或如象獅擁衛高巖窈窕  
臨無極混溟濛山半忽起雲蓬蓬疎松奏樂鳴天風身世  
恍在虛無中我欲招容成揖浮邱試問丹經寶籙將何求  
無爲清淨亦得成仙不青鸞白鳳杳無迹放眼天外雲悠悠

悠孤筇獨立最高頂寓言朗誦逍遙遊

宛上送友集唐

施端教

去歲雲濤浮汴泗今年萍水寄宣州爲憐五斗蕭條日可  
作三吳汗漫游于我自慚鹽驥擬送君應典鷓鴣裘冰晶  
鹽好難留客淮海風高蘆荻秋

宣州竹枝詞

楊廷棟

鳴鳩處處雨聲催綠樹人家門對開不到三眠蠶上箔陵  
陽坡上采茶來  
兩樓樓下白蓮香纔到秋來欲斷腸荷葉荷花官採去鷄  
頭菱角滿橫塘  
紅薑白芋紫花梨青滿平田綠滿堤儂在深閨不停織木  
棉重與製郎衣  
打鼓嶺前雲欲低溪頭梅花香滿枝個儂新有瓶花樣不  
唱江南白苧詞

雪梅吟爲族貞女

劉方藹

冷秀玉梅深雪裏賸耐嚴寒心不滓何曾一笑向春風孤

清微骨抱香死吁嗟吾宗有碩女潔性皜皜成女上身如  
執玉口如緘天然淑慎端容止少小許纓南姥章青春十  
六靡他矢血滴墳頭吊所天死許嫁殤成一是不字之貞  
駭父兄腹勤至死楚隣里上貳下貳不少閒日自春榆力  
到水不食肥甘不茹齋苦志乾肝生不視目雙瞽兮生如  
囚惇惇墨墨惟姑倚食苦處辛蓼是甘伍死殘生餘一紀  
殮之三日白如生屍香炎夏聞心髓雪釋芬消還太清肌  
骨芳馨魂魄泚

暮春北樓文讌追次青蓮韻呈太守宋公

追攀春有脚峯頂上梯空鳥口懸琴瑟雲心暢酒虹清風  
鈴語塔名宦鳳樓桐領郡翠微裏烟嵐媚我公  
恭承文字守飲况乃席高空疊嶂縈青靄雙溪走白虹樓飛  
輦入漢日昃影移桐徧德山將水風微邁謝公

春日登敬亭山絕頂

一快登臨意盤迴踏數峯露尖都石骨闕逕但樵踪萬竇  
屯烟海雙溪走玉龍山腰藏古寺春老翠雲松

遊翠雲

登翠儂春嶂晴嵐靄四垂松杉巡古刹風雨蝕殘碑百折  
泉聲隱雙懸塔影危且今窮勝覽雲鳥迭追隨

句溪塔影

中湧江城塔波痕迥不迷倒懸如水立尖刺仍天齊梯浪  
分層級攀鱗儼上躋謾誇東海市清白瑩靈犀

敬亭烟雨

合岱尋奇趣峯巒幻敬亭盆翻一郡白靄失萬山青靈異  
杳難測氛昏晝欲瞑那知雲鳥外勝概不常形

麻姑曉日

火輪飛出海神岫忽光華山面開明鏡雲鬟襯曉霞仙風  
初映曙人籟未喧嘩省識孤峯旭城東幾道家

柏槻飛橋

矗起峯尖並飛空架有橋不波沉岸脚將影束山腰虹百  
貫通漢雲來似湧潮斗牛槎外客天步跨青霄

復遊南樓齧峯諸勝

曹學詩

畫意詩情出郭多綠楊風裏聽絃歌野塘飲水驅黃犢漁艇依沙網白螺酒熟鳥從深樹喚衣香人踏落花過老農已課春耕罷靜向松根晒釣蓑

訪謝公亭

駱大俊

有客歌驅古渡頭為憑亭子駐離愁亂花暮地村前酒醺思撩人天際舟縹緲水雲高閣晚蒼茫風雨半江秋祇今芳草新林路五馬雙旌憶舊遊

琴高曲

趙青藜

涇川城北琴溪峯下有一洞開玲瓏道是琴高修煉處丹成御鯉培天風我聞斯言憂心冲茫茫墜緒堙虛空秦皇漢武謨千古至今海上誇癡蓬吁嗟民之質不復羞雷同誰與關蒙茸君不見琴溪之山茹可採琴溪之水鮮可鱸籜龍爭地呈變態秋月春花勝事在朋酒歲時會凌絕頂放眼雲天外尸已解何須問藥滓

猷州刺史歌

唐家武德七春秋輔公祏叛圍猷州是時刺史左難當手

提浮鼓登城樓一戰再戰聲不絕淨捲妖氛地天豁守疆域四郊多壘大夫辱無能未雨心已促試問隋大業之中原如鼎沸何以安堵看逐鹿不是刺史先得地大半戰場鬼夜哭我歌兮歌不足拜公廟柏山麓門前活水年年流何似淇泉咏萊竹

秋初重登北樓漫賦

雙慶

宛陵太守最風流有約招登小謝樓對酒忘情皆舊侶看山引興是新秋數株老樹簷前立一片閒雲檻外留却趁公餘尋勝蹟徘徊欲去思悠悠

北樓文讌用青蓮韻和劉蘭谷

宋敦

宿雨洗巖岫開尊俯碧空下山縈薄暮兩水映殘虹婀娜三眠柳蕭疎百尺桐高齋留勝地貯月待庾公登樓興不淺飛翰灑長空杼柚文成錦氤氳氣吐虹清歌發萬籟幽賞寄孤桐載續青蓮句臨風愧謝公

靈巖瞿樹

程書

靈巖之山環萬谷離奇秀聳甯川獨洞門中豁若天開飛



來靈鷲落塵寰旁有老樹參天立輪囷虬姿青銅顏一幹  
三枝枝各別黃檀桃柏紛更迭嚴冬紅果綴枝頭火齊焰  
焰鬪冰雪其種其名總莫傳世稱植自瞿劬仙鹿裘石室  
高風灑此樹長留嶽空巔嗚呼樹兮名與瞿仙共千古甫  
柏徂松未足數我來高枕白雲邊閒看平鶴脚枝舞

旌陽十景詩存三

呂光亨

勝地足招邀春晴物色饒烟光分兩岸城闕接三橋乍可  
離塵俗誰從避市囂數聲鳥語滑暗柳綠條條三橋鎖翠  
壁立高千仞嵯峨競倚空兩岸相對出一水自中通車馬  
欹危磴波濤鬪巨洪當關安虎旅氣勢若爲雄石壁對峙  
列岫橫西嶺玲瓏疊玉屏嚴風增薄暮冷色上寒庭誰宿  
丹爐火重繡梵宇經榻來歌白雪試更問仙靈樓真積雪  
鼇峯幾度醉霜華東望蓬萊不見家何日相將涉清淺玉  
樓春水咏梅花

賦附

徐哲

登嶂樓賦

宋田錫

宛陵之邱元暉舊遊城連延兮百雉世綿歷兮千秋流水  
白雲慨依然而在覽遺風往事信赫若兮長流余以丹陛  
策名皇華奉使適蒞於此乘春以至驛梅江柳動遊宦之  
芳懷風觀露臺起高明之逸意登嶂居先登之悅焉憑落  
絮之危檻向飛花之晚天複嶺連岡峙昭亭兮作鎮平蕪  
遠樹引句水兮爲川因而覽古興懷臨高凝睇自春秋戰  
國之後洎吳魏鼎分之際于戈偕王乘輿擬帝斯爲形勝  
之地恃以控臨之勢襟帶三江咽喉五湖歸勾踐兮稱越  
隸夫差兮日吳比奕棋之靡定惟霸畧兮能圖方今禹跡  
重新堯封復古御王命於北闕詠皇風於南浦升高而賦  
憐宋玉之才多覽景自怡非仲宣之思苦江渺渺兮涵春  
草萋萋兮感人指吳越之遠道介池飲兮爲鄰兩漿何歸  
引迴眸於天際微雲似畫帶斜陽於水濱旣而闕謝守之  
詩倉蒼滿石覽獨孤之文芳塵在壁杏花含露念昔我之  
來時菊葉迎霜乃今余之暇日歲云豐稔民之悅逸思命



壽兮孺侶聊登樓兮白適

新城賦有亭

周紫芝

建炎三年尚書右丞呂公移病得請為宣州守上以宣江左要郡賜中都錢五萬緡俾繕築城壘公至三月因舊址鳩工不歲告成紫芝之寔與此邦之士均被惠澤保厥攸居為之賦曰

皇受命之無疆兮撫列聖之重熙植本支以為城兮守中國於四裔成威疆於道德兮柔遠人而懷來雖外戶其弗閉兮詎正畫而穴坯陵峴垣其寢弛兮悵孤墉之日隕慨謀臣之鑿空兮結奇禍於邊陲盜蜂起於中夏兮焜樵蘇之沸糜纂嗣聖之不圖兮倏虎肅而龍飛登故老于海濱兮勤懇惻于疇咨脊大江之橫鶯兮紀南國而東維覽霓旌而望幸兮阻石頭之險巖倚茲土以為輔兮寔警蹕之是毘爰屬公以往城兮即舊址以增治奉天語之叮嚀兮旋縮版以墜茨驚萬杵之雷動兮屹百雉其匪屢初浮麥以喫喫兮趣伐誓而既疲聳丹樓之如霞兮麗朝日於梁

馬繫一水其如帶兮湛江灣而渺瀰具蘭石而布渠兮亦虎落之旁旆役不再籍兮耕不解縻民不告病兮負挿以遊嬉忽寇賊之凌暴兮蔽橫江之旌旗剽旁邑而不入兮無匹馬之敢馳豈精神之下格兮匪木石其奚疑追回天之讜議兮信大厦之復支歛餘波以小溢兮在此一方之羣黎公時與賓客而周覽兮淚雨下而交頤念北狩之既遠兮渺泛駕其何之客起舞而壽公兮願效節于守陴公亦友松喬而不得兮反雲旆乎霄涯屏四方其安堵兮豈陋壤之足為儼余冠以從公兮聊望遠而徘徊

明劉應箕

敬亭山翠雲菴賦  
惟敬亭之肅嶺迤茲山之峭崿絕早麓而直上乎雲霄之嶺北橫牛渚東接麻姑俯萬山而合沓邈一徑之崎嶇於是嶺雲蒸霞幽谷湧雲蜿蜓蜥蜴含石結陰山霽霽而鍾異澤靄靄以毓精迺有紫氣棲巖嵐光骨樹絳霧淨嶺文映戶時不見山惟見煙霧窅兮若蛟騰而虬與冥兮若蟠而騰布蔽岡軸衍迴巒纏絕嶠覆元巖鬣鬣恍惚

霏霏瀾漫固乾施而坤造紛萬疊以千盤若乃皎虛赤霄  
 碧空晴昊雷轟歛踪彤雲炫藻開平野之光霽幌眾峯而  
 同照至若夕陰起幽晝晦向息曜霽潛影皓魄甫出時則  
 棖楠浮輝樓臺得月平野星垂銀河波落寂萬籟以同聲  
 合嬋娟而共榻四郊雲斂萬樹風踈沈沈漾漾惟月惟予  
 飄若控鶴以冲天宛如跨龍以騁虛駭青萍之冷逼恍聞  
 風之我居迺有殿閣迴然中起在山之阿於宛之次傑構  
 高驥芬撩麗綺因岳壑而啟扉傍嶺岬而作庀飛檐連霄  
 以上出虹梁迴映於旁峙基壞齊梁功垂唐宋恢蕞爾之  
 重階棲神明以畫棟旁有昌黎啟祠於中山斗凌雲遺像  
 倚崧仰仙靈之渺忽緬碩人之高風苔文剝落碣石摩空  
 嗟時運之奄沒慨瞻依而無從羨斯文之不振與茲山而  
 無窮雨乃萬松潛翳千樟叢籠王芻含榮藻杖敷紅藤蘿  
 樓樓楹榭錯綜甍廡晝憑於木杪鳴鴉宵號於山樓何處  
 外之近郊關人寰之寥瀟淇涓流之感涕沃瑤草之蕪望  
 脫浮生之塵網憑憑游以憩息懷十洲之芳嶼想崑崙

瓊室豈丹竈之梯爐寶靈固之窟宅夫其怪石懸磴喬木  
 參天幻暈出沒沃野浮煙此則城市所未嘗見也元猿啼  
 陰祥鳩呼雨反舌習禽金衣求友千態萬狀載鳴載止此  
 則城市所未嘗聞也瑞靄低霽祥光遠籠兀蠢如奔驥之  
 赴陸聯絡如羽旗之揚空躡兮偈兮若雨若風此則平行  
 之隈北壤之區所未嘗有也於是薜荔絆車楫刺塞帷偃  
 蹇棲息寄傲徘徊或抱膝而朗吟或憑欄以長嘯谷口騰  
 歡郊關含笑祛塵想於須臾戀幽岵於晚眺輟脂牽之遙  
 徑冀霞舉之高貌相羊乎蘿月之陰盤旋乎松風之隩聊  
 信宿以強顏念明發以鼓棹

楊珂

宛溪賦  
 容靈谿之鍾萃於嶧陽之山陰引飛流以界脉由清泉而  
 就深始發源於峻極聿經亘乎淵沉凌千巖以激湍歷萬  
 壑而游潯擬江河而競帶匪絲草其成音表重山於峻嶺  
 映修竹之茂林注委蛇於后土潤膏澤於甘霖若夫綠物  
 涵象因風渙文簷端飛水敬亭落雲照明霞而散彩浮曠

日而含醺會百川以學海夾雙石而趨奔於是就其深矣  
掘彼注茲載沉載浮泳之游之可以濯纓可以樂饑或修  
禱而流觴或臨清而賦詩旋鱗盤渦以岸轉驚波吸谷而  
山移爾其習坎洊至盈科後行向春泮水沍寒凝冰滄之  
不濁澄之不清彰五色其無體利萬物而不爭秉至柔以  
爲用類上善之得名爾乃夾山成澗交草爲湄淵坻名渚  
涯曲爲隈涌波興淪明錦作漪合澗水而注川信涯流之  
所歸圍抱窶而爲灌農荷鍾而成渠藝五穀之良種潤自  
然之嘉蔬乃若傾湧衝溢浩淼襄騰賜谷顯曜天漢通靈  
乘高迅逝知險徂征夾中洲以左轉合大江而南縈旋淵  
九迴以腸繞溢流百折而雷轟乃若羣峯倒影疊嶂回光  
紀同江漢歌逐滄浪蒸霞吐霧流翠浮蒼據東吳之上游  
宛南國之中央鼓若耶之樵風泛河廣之羣航坎德積小  
以成大地道流謙而用藏至若溫風始至秋氣平分江城  
如畫香閣停雲或採梅以比雪或納涼而來薰隨四時之  
變化知予樂之無垠若夫土控吳越州連欽池崇岡枕其

腹大江緣其隈雙閣仰攀乎疊嶂北樓延賞於幽溪響山  
陰映乎陽林敬潭涌溜於陰渠瞿劬披裘於石室琴高乘  
鯉於仙都堯臣著集於宛陵蒯鰲就隱於匡廬謝朓申鑒  
於沈約路應鑱石于德輿於是山川坐移于枕席鷗鳧泛  
集於庭除煩想滌除于心目高懷超暢于開舒將挹汪洋  
于千頃永期寥廓于太虛

蘭石山賦

金聲

黃嶽西走徽水東趨山環溪繞一徑崎嶇境開饒婺之咽  
嘆道通楚閩以嶮巖哀晉室之多難遭作逆於蘇峻望廷  
尉於山頭逞長驅而徑進時則內史桓侯出刺宣郡痛王  
師之既敗糾義旅以自奮旣灑涕以屯涇甯忍辱而通問  
爾乃誓衆分守遣將俞公勇颺於外義激於衷憑山谷以  
抗拒適韓晃之來攻矢捐軀而致命歎負侯之不忠立芳  
名兮千載懷將軍兮英風則有覽勝騷客弔古韻士或浮  
筏來探或策蹇戾止捫斷碑於荒崖尋轉戰之遺壘典午  
之河山幾更逆竣之遺腥未止乃喟然而嘻日惟將軍其

無死嗟忠義一脉兮與主臣為眷戀嚼中丞齒于睢陽兮  
有從難之雷南壞岳家城于臨安兮得赴義於準憲胡安  
史之不道兮乃反戈以自殲彼負國其何人兮於負恩乎  
奚怨繫將軍之報主兮迺天經地義之不變矧茲地之山  
水兮實忠義之盤結方侯景之叛梁兮白華據安吳之關  
及公祏之反害兮難當守猷州之堞彼也攻城不克兮此  
胡效死而哽咽豈人力兮不及抑天數兮莫測而千載以  
下感將軍之孤忠同內史之風烈山若增其崔嵬水若盈  
其清冽樹蒼蒼而葉垂日晶晶其光輝時經往兮人莫追  
峯常青兮名不隳秦焉莽焉吾其望蘭石而歎歔

湖北省立圖書館藏書

登記號 乙106486

書號 史十一

2221

3060

